

TRANO MANAO AHOANA

No HATAONAREO Ho AHY?

 Misaotra anao, Rahalahy Green. Tombontsoa anankiray izao. Arahabaina Rahalahy sy Ranabavy Green, sy ny rehetra izay eto amin'izao maraina izao. Ary tombontsoa anankiray izay tsapako fa nomena ahy izao, ny tonga eto amin'ity toeram-pivavahana ity, mba hanao filazana vitsivitsy.

² Tsy te-haka ny fotoan-dRahalahy Green aho eto, satria efa nandre an-dRahalahy Green im-betsaka aho, niteny, ary azo antoka fa voasarika aho, ary rehefa nitondra ny Tenin'ny Tompo tamintsika izy, sady tena nanetry tena tokoa ny amin'izany. Omaly dia hoy izy hoe, "Izaho dia tsy mandray ny Teny avy amin'ny Tompo toy ny hoe angamba ho tonga avy amin'ny fanambarana Izany, araka—araka ny nandefasana Azy, fa," hoy izy, "Tiako ny—ny manipika an'izay efa voalaza." Hoy izy hoe, "Tahaka an'i Paoly rehefa nanoratra zavatra anankiray ao amin'ny Baiboly, dia tonga eto aho hanipika an'izay nolazainy." Hoy izy, "Izaho tsy manana hafatra, fa manipika fotsiny ihany an'izay efa voalaza avy tamin'ny Tompo." Ankehitriny tena miavaka mihitsy izany, ny—ny sakaza tanora tahaka an'izany, sy milaza, manao fanamarihana anankiray tahaka an'izany.

Ankehitriny dia ndao isika hanao tonom-bavaka anankiray miaraka fotsiny.

³ Andriamanitra malala, tsy dia haiko loatra hoe ahoana no hanombohana, satria tsapako fa eto Ianao androany, ary ao amin'ny Fanatrehanao dia mahatsapa ho tena kely foana izahay. Ary izaho—izaho dia misaotra Anao ho an'ity tombontsoa ity. Ankehitriny, Tompo, satria Ianao no nanome an'ity toerana ity ho anay, dia mivavaka izahay mba Hihaonanao aminay isaky ny fotoana hihaonanay eto. Ary enga anie ny Fanahinao Lehibe hihetsika eo amin'ity tanàna ity! Enga anie izahay hahavita hitondra an'ity Hafatry ny Filazantsara izay nomena anay sy napetraka eo an-tànanay ity amin'izao andro farany izao, enga anie ho tanteraka Izany, ary Ianao no handray ny fanahy rehetra avy eto Tucson sy ny manodidina, izay Notendrenao ho amin'ny Fiainana. Ekeo ireo zavatra ireo, Ray, amin'ny Anaran'i Jesosy Kristy. Amena.

⁴ Heveriko fa hamaky andininy kely ao amin'ny Soratra eto aho izao maraina izao, alohan'ny hilazako indrindra an'ireto teny izay iriako ho lazaina ireto. Izany dia hita ao amin'ny Asa, ny toko faha-7 amin'ny Bokin'ny Asa. Ary raha mbola eo

am-pamadihana an'izany ianareo, dia hanomboka eo amin'ny andininy faha-44 isika.

⁵ Ankehitriny dia handeha ho any Shreveport izahay amin'ity herinandro ity, ity herinandro ho avy ity, ho an'ny fivoriana mifanesy, ary ankehitriny dia hiezaka izahay, raha sitrakny Tompo. Rahalahy Moore, Rahalahy Jack Moore, sakaiza tsara anankiray an-dRahalahy Pearry sy izaho, ary tianay Rahalahy Jack. Ilay Hafatra, heveriko, izay karazan'ny nanaitra kely azy, indrindra teo amin'ireo zavatra hazonintsika tsara sy hinoantsika, fa-fa Izany dia tonga tamintsika tamin'ny alalan'ny fanokafana ny Tombokase Fito, araka ny hinoantsika Azy, toy ny, "ny taranaky ny menarana," sy "Antoka mandrakizay an'ireo mpino," sy-sy ny sisa, sasany amin'ireny Hafatra ireny. Izay, angamba ho an'ny hafa... Isika dia tsy mihevitra fa sarotra Izany, saingy, Izany, ianareo no tsy maintsy manokatra ny fonareo ho amin'ny Fahamarinana. Isika dia mino fa miaina ao amin'ny-ny andro farany isika. Tena misy tokoa izany amintsika, fa tena eo amin'ny faran'ny lalana isika.

⁶ Ary ny miresaka an'izany ao amin'ny fiangonan'ny olona hafa anankiray, eny, dia mila ny manaja ny fandraisan'ilay olona ianareo, ny-ny nanomezany anareo an'ilay fanararaotra hidirana ao amin'ny fiangonany. Ary izaho, azo antoka, eo am-pahafantarana fa tsy mino an'Izany izy ireo, dia hanaja tokoa azy ireo aho fa... Mbola misy betsaka no azoko tenenina tany, ankoatry ny fitondrana an'Izao; raha tsy hoe ny Fanahy Masina fotsiny no tonga manosika kely an'Izany, hitanareo, amin'izay fotoana izay aho vao hilaza izay Nolazainy. Ary tsy mahafantatra tsaratsara kokoa noho ny manao an'izany aho, ary antenaiko fa tsy nianatra tsaratsara kokoa afa-tsy ny manao an'izany mihitsy aho. Hitanareo? Aoka fotsiny isika hilaza Azy amin'ny fomba Ilazany Azy.

⁷ Ankehitriny ndao isika hamaky fotsiny ny-ny andininy iray na roa ao amin'ny-ny toko faha-7 an'ny Bokin'ny Asa, manomboka amin'ny andininy faha-44.

Ireo razantsika dia nanana ny tabernakelin'ny vavolombelona tany an-efitra, araka izay efa voatendriny, niteny tamin'i Mosesy, mba hanaovany azy araka ny endrika izay efa hitany.

Izany koa ireo razantsika izay nandimby dia niditra niaraka tamin'i Jesosy tao amin'ny tanin'ny Jentilisa, izay norohain'Andriamanitra hiala teo anoloan'ireo razantsika, hatramin'ny andron'i Davida;

Izay nahita fitia teo anatrehan'Andriamanitra, ka naniry ny hahita tabernakely ho an'Andriamanitr'i Jakoba.

Fa Solomona no nanao ny trano ho azy.

Kanefa ny Avo indrindra dia tsy mitoetra ao amin'ny tempoly nataon-tànanana; araka ny nolazain'ny mpaminany hoe,

Ny Lanitra no seza fiandrianako,...ny tany no fitoeran-tongotro: trano manao ahoana no hataonareo ho ahy: hoy ny Tompo: na manao ahoana ny toerana fitsaharako?

Tsy ny tànako va no nanao izao zavatra rehetra izao?

⁸ Eo amin'Ity, ny famakiana an'ity Soratra ity, dia tiako ny hilaza teny fohy izay tiako ho lazaina alohan'ny hitondran'i Rahalahy Pearry ny hafatry ny maraina.

⁹ Ity dia hitako fa iray amin'ireo fotoana lehibe fitsidihako an'i Tucson. Tonga eto aho satria notarihina ho tonga eto aho. Tonga eto aho satria ny Fanahy Masina, tamin'ny alàlan'ny fahitana anankiray, no naniraka ahy eto. Fantatro fa toa hafahafa izany, angamba. Saingy Izy, araka ny fahafantaroko, ny zavatra izay fantattro avy amin'Andriamanitra, dia nirahina aho tamin'ny alàlan'ny fahitana anankiray ho any Tucson. Nanontany tena aho hoe ahoana no mba nanirahana ahy ho aty amin'ity tany efitra ity. Ary eto koa dia misy . . .

¹⁰ Amin'ny fiteny ara-panahy, ity tanàna ity, tsy mahafantatra toerana anankiray izay tena maty ara-panahy indrindra aho, afa-tsy ny tanànan'i Tucson. Misy ny ady eo amin'ireo fiangonana. Misy fifamaliana eo amin'ireo fikambanana. Tsy misy firaisansa, ary ny tsirairay mifandrombaka, sy mifikitra, sy manery, sy miezaka hahazo an'ity anankiray ity, ary manao proselyta. Tany efitra ity, amin'ny fiteny ara-panahy, ihany koa.

¹¹ Fa tamin'izany dia namaky ny Baiboly aho, izay niantsoan'Andriamanitra an'i Mosesy hiala amin'ireo malalany sy ireo izay olon-tiany, ka naniraka azy ho any an-efitra, mba hanoratra ny Lalàn'ny Baiboly. Izany ilay Testamenta Taloha, ireo Boky efatra voalohany, Genesisy, Levitikosy, sy Deuteronomia, Eksodosy. Izy . . . Tsy nolazaiko amin'ny filaharana mahazatra mihitsy izy ireo, saingy ireo no Boky efatra. Izany no tena Testamenta Taloha. Satria, ny sisa amin'Izany dia izay nolazain'ireo mpaminany, ny ao amin'ny Salamon'i Davida, sy ny sisa, fa ny Tantarän'ireo mpanjaka. Fa izany no fototry ny Testamenta Taloha. Dia izay nosoratan'i Mosesy taorian'ny niantsoana azy hiala amin'ny tanindrazany, izay nahaterahany sy nitaizana azy teo anivon'ny olony, ary nirahina ho any amin'ny tany efitra, mba hanoratra an'io Bokin'ny Testamenta Taloha io.

¹² Avy eo dia hitako ao amin'ny Bokin'ny Testamenta Vaovao izany, nisy an'i Paoly, izay mpanao, na tsy mpanao, fa mpanoratra ny Testamenta Vaovao. Izy koa dia nentina niala teo anivon'ny olony, ary, tamin'ny alàlan'ny Fanahy, ho any Arabia, izay nitoerany telo taona sy tapany, mba hahita an'ilay

tsindrimandry. Ary i Paoly no mpanoratra lehibe ny Testamenta Vaovao. Ankehitriny, misy an'i Matio, Marka, Lioka, ary Jaona, saingy izy ireo dia mpanoratra izay nanoratra fotsiny an'izay nolazain'i Jesosy raha nanaraka Azy izy ireo. Ary, saingy, raiso ny Boky ho an'i Timoty, sy ho an'ny Romana, sy ho an'ny Hebreo, sy ny sisa, Paoly no nahazo ny tsindrimandry hanoratra ny Testamenta Vaovao; nandray ny Testamenta Taloha rehetra ho aloka anankiray, ary nanao azy hilamina. Ary nanaja an'izany Andriamanitra, ka nataony ho Testamenta Vaovao izany.

¹³ Ary ankehitriny raha ny Testamenta Taloha no tsy maintsy nentina niala avy tao amin'ny . . . ilay mpanoratra no tsy maintsy nentina niala teo amin'ireo olony, ho any an-efitra, mba hahazo ny tsindrimandry hanoratra ny Testamenta Taloha. Ary ao amin'ny Testamenta Vaovao, dia ilay mpanoratra no nentin'ilay Mpanao, tao amin'ny tany efitra anankiray, mba hahazo ny tsindrimandry hanoratra ny Testamenta Vaovao. Ary ireo Boky dia voaisy tombokase an'ireo Tombokase Fito; dia hitaky zavatra tahaka an'izany koa io, mino aho, amin'izao andro izao, mba hanokatra an'ireo Tombokase Fito ireo. Mandao an'ireo olon-tianareo, ireo izay tiavinareo, sy ny trano kely izay nomen'ireo olona ahy, ary eo anivon'ireo oloko sy sakaizako rehetra, sy fiangonana anankiray izay nandroso, sy tsy manan-java-mahory; ary ny-ny mandao an'izany, misaraka lavitra amin'izany, ary miala lavitra, mankany amin'ny tany efitra anankiray izay tsy misy olona fantatrareo, ary ny zavatra rehetra manohitra anareo.

¹⁴ Fa misy zavatra mikasika an'Andriamanitra, fa mitarika olona anankiray Izy mba hanao zavatra izay tsy takatry ny fisainany manokana, mba hahatonga an'ilay izy ho haja sy voninahitr'Andriamanitra. Ary tsapako fa, tsy hoe manome voninahitra ny tena, fa izaho—izaho dia mahatsapa an'ilay izy fa tombontsoa anankiray ny tsy maintsy nandao ny zavatra rehetra izay nantsoina hoe malala amiko, tonga eto amin'ity an-efitra ity ary miaritra tahaka an'izay tsy mbola niaretako mihitsy teo amin'ny fiainako, eto amin'ity an-efitra ity, na ity tany efitra ity. Saingy mino aho, fa eo am-panaovana an'izany sy mankato an'izay nasain'Andriamanitra hatao, dia nanokatra ho antsika an'ireo zava-miafin'izao andro farany izao Andriamanitra. Ary eto isika miaraka amin'ity Hafatra ity.

¹⁵ Ankehitriny, nisy maro ireo olona izay nanaraka ahy, ary tsy hoe tsy mahazatra izany. Mazàna ny olona anankiray izay . . . Mifankatia ny olona, ary izany, ny fitiavana, dia hitarika anareo hanao zavatra izay tsy heverinareo hataonareo. Ary maro aminareo no mandao ny tranonareo, ilaozanareo ny rehetra, mandeha fotsiny, tonga eto amin'ny tany efitra.

¹⁶ Maro no niantso ahy, maro no nanontany ahy hoe, “Ho any Arizona ve isika? Ho toerana tsara ho antsika ve izany?” Eny,

tahaka ny nolazaina tamin'i Mosesy sy ny sisa, tsy toeran'ny voankazo izany, tsy toeran'ny ampongabendanitra.

¹⁷ Eto dia tsy misy asa betsaka hatao, ary lafo ny fiainana, ary lafo ny vidim-piainana. Tena toerana sarotra hiainana ity, dia i Tucson, Arizona; kely ny karama, ary—ary lafo ny sakafy, sy ny hofan-trano. Ity dia—ity dia toerana ratsy iainana, amin'izany fomba izany. Saingy mahasalama izy, maina izy. Ary isika indraindray... Isika dia tsy tokony hampitovy ny fisainantsika amin'ireo zavatr'ity tany ity.

¹⁸ Isika tsy maintsy miantehitra amin'ny fitarihan'ny Fanahy Masina. Fa ny zavatra anankiray izay nanahirana ahy tamin'ny fahatongavana teto, sy ny miteny amin'ny olona, eny, “tsy tokony ho tonga ianao” na “tokony ho tonga ianao,” fa apetrako amin'ny isam-batan’olona tsirairay, ny fomba izay itarihan’Andriamanitra an’izay hataon’ilay isam-batan’olona. Heveriko fa ny tsirairay amintsika dia tokony hanao an’izany, ho voatariky ny Fanahy, eo amin’izay hatao.

¹⁹ Ary maro aminareo eto no avy any amin'ny manodidina an'i Jeffersonville, ary avy amin'ny fikambanana any, ary tonga eto ianareo. Ankehitriny, ny zavatra izay mahatery ahy, dia ny toerana anankiray hivavahana.

²⁰ Ary tsapako, raha namaky ato amin'ny Soratra eto aho, ny amin'i Stefana sy ny fitenenany mialoha indrindra ny fahafatesany; satria notorahan'izy ireo vato avy hatrany izy avy eo, noho ny hafany. Raha niteny izy, hoy izy hoe, “ireo razantsika,” miresaka an’ireo Hebrewo tamin'ny andro tany aloha, hoe ahoana no niezahan’izy ireo hahita fitia teo anatrehan’Andriamanitra, hanao toerana anankiray hivavahana. Nilaza izy fa, “Solomona no nanao trano ho Azy, na tranobe.” Efa fantatsika tsara ilay tantara.

²¹ Saingy tiako ireo teniny manaraka hoe, “Kanefa ny Avo indrindra dia tsy mitoetra ao amin'ny trano izay nataontanana,” ary any amin'ny toerana hafa ao amin'ny Isaia. Hoy izy hoe, “Vatana anankiray no Nataonao ho Ahy; hitanareo, tsy fanatitra sy rakitra, sy tranobe, sy ny sisa, fa vatana anankiray no Nataonao ho Ahy.” Eny, fantatsika fa niresaka ny amin’ilay vatana izay hipetrahan’Andriamanitra izy tamin’izany, ao amin'i Kristy.

²² Fa mino aho androany, fa izany ilay tsindrimandry izay tonga tamin'i—tamin'i Rahalahy Green, mba hifindra eto, izy sy Ranabavy Green, nandao ny toeran'izy ireo tany atsinanana, koa, ihany koa, tany Texas tany, mba ho tonga eto miaraka... mba hanomboka amin'ny tsy misy; amin'ny alàlan'ny tsindrimandry anankiray fotsiny ihany, nahatsapa fa izany no tsy maintsy hataon'izy ireo. Izaho dia mankasitraka ny olona izay hanaraka ny fitarihan'i Kristy, tsy mihevitra ny vidiny izay ividianan'izy ireo an’izany.

²³ Na dia izao tontolo rehetra izao aza, angamba ny namanareo tsara indrindra, no mihevitra fa diso ianareo, saingy tsy diso ilay izy aminareo. Raha mbola mahatsapa foana ianareo fa misy zavatra ao ambadik'izany, Andriamanitra no nanetsika anareo; tsy diso mihitsy izany, ary hiodina tsara foana izany.

²⁴ Jereo io mpivady tanora io, lehilahy tanora anankiray manan-talenta. Tsy miteny an'izany aho satria hoe mipetraka eto izy. Ary io ramatoa tanora miaraka amin'ireo zanany io, miaraka amin'ny ankohonany ho tezaina, ary nandao ny asany sy ny zavatra rehetra izy, mba hifindra eto.

²⁵ Fantattro fa taona maro lasa izay no niantsoana ahy ho ao amin'ny asam-panompoana. Tsy mba pasitera nahita fahombiazana mihitsy aho, satria izaho dia naharay fanahy mpandehandeha, mpivezivezy. Tsy mety ho afa-po aho na aiza na aiza. Izay halehan'ny Fanahy fotsiny, dia tsy maintsy mandeha miaraka amin'Izany aho, satria manana Hafatra anankiray aho. Hoy Jesosy hoe, "Tsy maintsy mitory teny amin'itsy tanàna hafa itsy koa Aho."

²⁶ Saingy misy ireo mpiandry izay mitandrina ny ondry. Tena mankasitraka aho fa Rahalahy Pearry dia nanaraka ny fitarihan'ny Fanahy Masina, ary ankehitriny dia manana tabernakla anankiray isika. Kely ilay izy. Tena ampy hanombohana mihitsy izany, mba hahitana fa ny Fanahy Masina... Tsy mahafantatra, fa ndao isika hamindra moramora. Ankehitriny, mino aho, fa raha Andriamanitra no niteny tamin'i Rahalahy sy Ranabavy Green, ho tonga eto, ka nanokatra toerana anankiray misy an'ireo zanatsika; raha tokony hitsangatsangana amin'ny bisikiletiny ny Alahady maraina, ary eny an-dàlambe sy mihodinkodina, dia manana toerana anankiray izy ireo handehanana hivavaka, raha tokony hipetraka isika ka hihaino zavatra izay rentsika amin'ny radio, izay tsara daholo.

²⁷ Saingy isika, amin'ny maha-vondron'olona, isika dia manana Hafatra anankiray ho an'izao andro izao. Isika, isika dia mino fa Andriamanitra dia nanome antsika Hafatra anankiray. Ary Rahalahy Green, dia, tsy te-hiantso azy hoe mpiara-miasa amiko aho, satria izahay dia... Eny, izy dia, mpiara-miasa amiko, ihany koa, miaraka ao amin'ity Hafatra ity izahay. Rahalahy Green dia mitory ny zavatra mitovy sy ny Hafatra izay inoako. Nandao ny tranony izy, nandao ny olony izy, nandao ny fiangonany izy. Izy dia, mino aho, izy dia mpiandraiki-paritra anankiray na zavatra hafa, an'ny anankiray amin'ireo rafi-pandaminana, ary nandao ny zavatra manontolo rehefa nandre an'Ity izy. Nilaozany ny zavatra rehetra izay malala teo aminy, ihany koa, mba hahatongavana any an-tany efitra, mba hanohanana fotsiny an'izay omen'Andriamanitra antsika ankehitriny.

²⁸ Izaho milaza izaho mino fa tsy tokony ho ao am-pontsika fotsiny ihany izany, fa tokony ho adidintsi ka ny manohana azy, ny zavatra rehetra izay vitantsika, manatrika ny fivoriana, tonga eto mba hivavaka, ary manao an'ity ho toerana anankiray izay hahafahan'Andriamanitra manambara amintsika an'ireo zavatra izay tokony Hambarany ho antsika. Ary araka ny nolazain'ny teniny hoe, "Ny Hafatra dia tsy tonga tamiko tamin'ny alàlan'ny fanomezan'ny tsindrimandry, tahaka ny nahatongavany tamin'ny sasany amintsika angamba, fa," hoy izy hoe, "Eto aho mba hanohana an'izay nomen'Andriamanitra." Filazana anankiray toy ny inona! Ary mino aho, fa raha miaraka mifarimbona isika, dia hametraka ny fontsika eo amin'izany isika.

²⁹ Fantatro fa ny tsirairay aminareo, raha mahatsapa tahaka ny tsapako ianareo, izaho dia tena noana ny hahita ny Fanahin'Andriamanitra hihetsika, mila tsy ho voatanako ilay izy. Fahatsapana vitsivitsy izay azoko teny an-tendrombohitra teny mihitsy, ny mahatsapa an'izany indray, ilay Zavatra izay tena lehibe amin'ny foko fony aho voavonjy voalohany! Ary isika dia afaka mandeha amin'ny toerana anankiray, isika dia afaka mipetraka ka mahita an'izany eo anivontsika, fa mihamaina isika. Raha mipetraka eto an-tany efitra isika, miaraka amin'ireo rahalahiko aho, miresaka amiko izy ireo ary izaho miresaka aminy; isan'andro, ao amin'ny fomba fandinihana kely, mahatsapa miaraka amin'ny Fanahy eo, arak'ilay izy, mba hahita fotsiny ny toetran'ilay rahalahy, mba hahita hoe inona no tsy mety. Manomboka mahatsapa antsika rehetra mihamihena aho, manalavitra ny Fanahy. Lasa zavatra tsotra loatra amintsika ilay izy. Tsy maintsy mivavaka amin'ny Fanahy isika, izay misy ny Fanahin'Andriamanitra... Tsy hoe ny Hafatsika dia tokony ho lelafon'ny ora fotsiny ihany, fa tokony ho lelafo ao amin'ny fontsika izany. Hitanareo? Tokony ho ao amin'ny fontsika izany, raha tsy izany isika dia tsy afaka—isika dia tsy afaka hanolotra an'Izany marina amin'ny olona. Ny Fanahy no tsy maintsy mitondra ny Hafatra, Izy tenany. Ary izaho dia matoky sy mino ny tsirairay aminareo, ho tena Kristiana marina.

³⁰ Ankehitriny dia mila mpampianatra sekoly Alahady izy ireo. Hila mpiasa izy ireo. Ary tiako ny hilaza an'izao mba ho azonareo tanteraka. Fiangonako ity.

³¹ Efa telo taona aho no teto. Ary varavarana tokana no mba nisokatra ho ahy, Rahalahy Mack izany izay nangataka tamiko ho tonga history teny. Andriamanitra hitahy azy. Tsy mbola nasain'olon-kafa mihitsy aho; tsy misy na inona na inona hanoherako azy ireo, tsara izy ireo. Rahalahy Brock, sakaizako tsara anankiray, Rahalahy Gilmore, ny maro amin'ireo rahalahy Pentekotista eto, dia tena, tena sakaizako tsara tokoa. Tiako izy ireo; tsy misy hanoherako azy ireo. Fantattro ny toeran'izy ireo. Tsy afaka manasa ahy ho any izy ireo, ka ho tafajanona

ao amin'ireo rafi-pandaminany. Hitanareo, tsy afaka manao an'izany izy ireo. Satria, raha ataony izany, dia ho voaroaka izy ireo. Koa hitanareo ny toeran'izy ireo. Efa nanana zavatra tahaka izany tsy maintsy natrehana aho. Saingy, oadray, enga anie ilay izy ho toy izao foana, "Katsaho aloha ny Fanjakan'Andriamanitra," ny sitrapon'Andriamanitra.

³² Fa ankehitriny kosa, Rahalahy Green, Andriamanitra no nandefa azy ho eto ary nanokatra ho antsika fiangonana anankiray an'ny Finoana sarobidy izay inoantsika, tokony tena hankasitraka an'Andriamanitra isika, ary hanatrika ny fivoriana rehetra, maka ny toerana rehetra izay azontsika. Ary raha angatahana hiantsso isika, hivavaka, hitady, hanao, dia aoka isika ho miaramila avy hatrany ao amin'ny... hanam-paniririana fotsiny hanao an'ilay izy. Hitanareo?

³³ Tehirizo hihaja ny Hafatra, ary miainà amin'ny karazam-piaianana mahitsy. Aza avela hisy loto tonga eo amin'Izany. Efa tara loatra izao iainantsika ankehitriny izao. Isika dia—isika dia efa tara loatra ao amin'ilay ora. Aoka isika hiaina Azy madio. Eny, ny fiainako, ny fiainanareo, ny fiainantsika rehetra dia mila mandroso, eo anatrehan'Andriamanitra.

³⁴ Ireo tanorantsika mandehandeha fotsiny, mitety toerana, mitety fampisehoana, ary mandositra manalavitra sy manalavitra an'Andriamanitra. Marina. Ankehitriny, izany no marina. Hitako eo amin'ireo zanako izany, ary hitako ny tenako tonga eo amin'ny toerana anankiray izay tsy.... Ianareo, ianareo dia tokony hiaraka hikambana, mba hanompo an'Andriamanitra; ny Baiboly no milaza an'izany hoe, "Rehefa hitantsika fa manakaiky ny andro, dia tokony hikambana bebe kokoa hatrany." Raha olona roa fotsiny no misy eto, dia aoka ho isan'izy ireny ianareo. Ankehitriny izany dia.... Ary raha tonga miaraka isika ka mivavaka miaraka, amin'izay fotoana izay fotsiny isika, misy zavatra anankiray mikasika an'izany, hoy Jesosy hoe, "Raha misy roa na telo mivory amin'ny Anarako, dia eo afovoan'izy ireo Aho."

³⁵ Ankehitriny, araka ny nolazaiko teo aloha, niteny tamiko Rahalahy Green, ary izy no nilaza an'izany. Tonga ny vadiko, niteny tamiko an'izay nolazainy rehefa tsy teo aho. Hoe, ary hoy izy aninkeo maraina hoe, "Nisokatra mandrakariva ny polipitra." Ankehitriny mazàna.... Izany hoe, misokatra ho ahy mba hitenenako.

³⁶ Ankehitriny, mazàna, dia izaho no tsy maintsy mitondra fiara hatrany Jeffersonville, Indiana, mba hanome Hafatra anankiray izay nomen'Andriamanitra ahy, hitondra an'izany ho an'ny olona; mandeha hatrany Jeffersonville, Indiana, ary ny tsirairay aminareo dia mitety ny firenena, ary manao antso an-tariby sy ny sisa, mba hahazo ny Hafatra, satria izany no

iainantsika. Hitanareo, izany no maha-eto antsika. Eny, tsy mila ny hanao an'izany intsony isika.

³⁷ Manome ahy Hafatra anankiray Andriamanitra, dia afaka mandroso avy hatrany eto amin'ny polipitra aho ary mitory an'izany, ary mahatsapa ho malalaka manao an'izany. Hia. Ary mino aho, arak'izany, fa Andriamanitra Tsitoha dia hitahy anareo raha manohana an'ity fiangonana ity ianareo ankehitriny, ity vondron'olona ity. Tsy izany ihany, fa aoka isika hivoaka ary hahita raha afaka mahazo ny hafa mba hiditra. Hitanareo, aoka isika hiresaka amin'ny hafa na aiza na aiza, miresaka amin'izy ireo mikasika ny fiangonantsika sy ny dikany. Hoe ny fiangonantsika... Eto izahay. Tianay ianareo mba ho tonga, hitondra vahiny, ary azoko antoka fa ho tsara ho antsika rehetra izany. Hitanareo? Manana tranobe isika, izay ankasitrarahantsika. Mankasitraka isika ny amin'ity toerana ity, mba hiangonana miaraka.

³⁸ Fa, "Kanefa ny Avo indrindra dia tsy mitoetra ao amin'ny tempoly nataon-tànana, hitanareo, 'Fa ny Lanitra no Seza fiandrianako, ary ny tany no Fitoeran-tongotro; koa aiza izay toerana Fitsaharako? Fa vatana anankiray no Namboariniao ho Ahy."

³⁹ Ary isika no Vatan'i Kristy. Koa satria isika dia mifindrafindra avy amin'ny tranobe anankiray mankany amin'ny tranobe hafa, dia mino aho, mitondra ny Hafatsika, fa ho tonga isika ary hanana an'ireo asa fanasitranana. Ary ny zavatra rehetra izay hambaran'ny Tompo amintsika mba hatao, dia hataontsika marina eto amin'ity fiangonana ity izany, mandra-pahatonga azy hihattra ho tena lehibe ka hanananareo azy any amin'ny toeran-kafa, sy toeran-kafa, mandra-pihavin'i Jesosy. Andriamanitra hitahy anareo.

⁴⁰ [Manazava Rahalahy Pearry Green, ary avy eo dia nangataka an-dRahalahy Branham mba hanokana azy. Elanelana tsy voaraki-peo—Mpand.]

Ndao isika hanondrika ny lohantsika.

⁴¹ Andriamanitra Malala, raha mbola mijoro eto amin'ity lampihazo ity izahay, izay maneho, eto ambonin'ny alitara eto mihitsy, dia fantatray fa izahay dia ta—taranak'olona mihamaty, raha mbola ny amin'ity tany ity foana. Mijery eny amin'ny lâlambe izahay ary mahita ny ota voasoratra na aiza na aiza, ary ilay Voninahitry ny Tompo dia miha-mandositra haingana. Ary fantatray, fa rehefa miainga ny Voninahitry ny Tompo, dia handeha miaraka amin'Izany koa ny Fiangonana. Andriamanitra, tianay ny ho tonga any.

⁴² Andro vitsy lasa mihitsy izay, nitsangana teo amin'ny zoron'ny lâlambe tetra aho, niampita ny lâlambe fotsiny, njery an'ilay matso nandeha teo an-dâlambe; ary nahita an'ireo fiara mifono vy trainainy an'ny Ady Voalohany nitarika ny lâlana, avy

eo dia tonga ilay fiara mifono vy lehibe Sherman, nanaraka taoriania nandeha dia nandeha dia nandeha, avy eo dia ireo renin'ny kintana volamena; ilay fianakaviana kely rava, miaraka amin'ny vady anankiray mitomany, ary tovolahy kely anankiray rovidrovitra no namoy ny dadany, reny antitra anankiray namoy ny zananilahy. Nieritreritra aho hoe, "Tena mampalahelo," ny mijoro eo amin'ilay zoron'ny lâlambe ka mijery zavatra tahaka an'izany izay mandalo. Avy eo dia tsikaritro, raha vao nandalo an'io tranobe io izy ireo, dia niova ilay mozika ho *Mandrosoa, ry Miaramila Kristiana*. Nanao ny famindrany izy ireo, taoriania; saingy rehefa nandalo an'ity toerana ity izy ireo!

⁴³ Andriamanitra Malala, mieritreritra fotoana anankiray lehibe izay ho avy aho, ary ho ny fitsanganana izany, rehefa handroso aloha ireo mpiady tranainity, ireo masina, ireo patriarka. "Fa isika izay velona ka mitoetra dia tsy mba hialoha na hisakana an'ireo izay nodimandry; fa ho tsofina ny trompetran'Andriamanitra, ka ireo maty ao amin'i Kristy no hitsangana aloha." Avy eo rehefa hitanay ilay lehibe...ireo olona mandeha, miakatra eny amin'ny lanitra; ary hijoro izahay, miandry ny fanovàna anay, mahafantatra fa hiditra amin'ny laharana izahay, ihany koa. Andriamanitra, ataovy miaramila mahatoky izahay.

⁴⁴ Ireo izay tena nandray anjara irery ihany ary tao amin'ilay ady no hahafantatra hoe inona marina no dikan'izany, raha mijery an'ireo fiara mifono vy mihodina. Ary, Andriamanitra, mihevitra izahay fa ireo izay tao amin'ilay adin'ny fiaianana irery ihany no hahafantatra hoe inona no dikan'izany, rehefa miandry ny anjaranay hiditra amin'ny laharana sy ny toerana izahay, ao amin'ny fitsanganana, mba hiakatra.

⁴⁵ Ary indro, ny rahalahiko tanora, mijoro eto, tsara hofana, vonona, miakanjo, miandry lehilahy antitra anankiray hametrâtâhana aminy, anankiray izay mpiady tranainity avy tany amin'ilay lohalaharana, mahafantatra fa izy dia tsy maintsy mirotsaka an'ady, ihany koa. Andriamanitra Malala, miaraka amin'ireto tânana tsy mendrika ireto izay apetrako eo amin'ny rahalahiko, maneho ny Anao. Tahio Rahalahy Green, Andriamanitra malala, izay tsifikô rano amin'ny Anaran'i Jesosy. Enga anie izy hitondra an'izao Hafatra izao, Tompo, eto amin'ity tanàna ity ary na aiza na aiza Hiantsoanao azy. Enga anie izy hahatoky, feno ny Fanahy, miaina amin'ny fiaianana tsy misy tsiny. Andriamanitra, avelao izy hahazo ny fon'ny olona, mba hahafahanay mampianatra azy ireo sy hitarika azy ireo ary hitondra azy ireo eo amin'ny lâlana izay irianay rehetra handehanana. Ekeo izany, Tompo.

⁴⁶ Tahio ny vadiny mahatoky, ireo zanany kely. Tahio ny ezakay miaraka eto, amin'ny maha-rahalahy Kristiana eto an-tany eto, mba hahafahanay mitondra ny Filazantsara hatrany amin'ny faran'ny tany. Iraho ny Fanahinao ho eo aminy, Andriamanitra.

Mivavaka amin'ny Anaran'i Jesosy Kristy izahay, raha atolotray ho Anao izy. Amena.

Andriamanitra hitahy anao, Rahalahy Pearry. Ento ny Tenin'Andriamanitra!



TRANO MANAO AHOANA NO HATAONAREO HO AHY? MAG65-1121
(What House Will You Build Me?)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady maraina, 21 Novambra, 1965, tao amin'ny Tucson Tabernacle ao Tucson, Arizona, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2014 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org